

醫學三字經

卷三

醫學三字經卷三

閩吳航陳念祖修園著

成都龍萬育燮堂訂梓

中風方

小續命湯千金中風總方

麻黃去節根人參黃芩川芎白芍炙草

仁防已桂枝防風各一錢附子五分

加生薑三片水二杯半先煎麻黃至二杯入諸藥煎

八分服

古今錄驗續命湯 治中風風痲身體不能自收持口

不言昏冒不知病處或拘急不能轉側 方出金匱方

麻黃 桂枝 當歸 人參 石膏 乾薑 甘草

各三錢 川芎 一錢五分 杏仁 十五粒 又一粒取三分之一

水三杯煎一杯溫服當小汗薄覆脊憑几汗出則愈不汗更服無所禁勿當風並治但伏不得卧欬逆上

氣而目浮腫。

三化湯 治熱風中臟大便不通

大黃 羌活 枳殼 各二錢

水二杯煎八分服

稀涎散 治中風口噤並治雙蛾單蛾

巴豆

六枚每枚分兩片

牙皂

三錢切

明礬

一兩

先將礬化開却入二味攪勻待礬枯為末每用三分吹喉中痰盛者燈心湯下五分在喉即吐在膈即下

參附湯 元氣暴脫以此方急回其陽可救十中一二

人參

一兩

附子

五錢

水二杯半煎八分服○此湯治腎氣脫○以人參換白朮名朮附湯治脾氣脫○換黃耆名耆附湯治衛

氣脫○換當歸名歸附湯治營氣脫

三生飲 治寒風中臟四肢厥冷痰涎上湧

生烏頭二錢 生南星三錢 生附子二錢 木香五分 生

薑五片

水二杯煎七分○薛氏用人參一兩煎湯半杯調服

防風通聖散 治熱風卒中外而經絡手足痲癱內而

臟腑二便閉塞用此兩解之較之三化湯較妥亦為

類中風實火治法所用表藥火鬱發之之義也所用

下藥釜下抽薪之義也。

防風 荆芥 連翹 麻黃 薄荷 川芎 當歸

白芍 白朮 山梔 大黃 芒硝各五分 黃芩

石膏 桔梗各一錢 甘草二錢 滑石三錢

水二杯加生薑三片煎八分服○自利去硝黃○自

汗去麻黃加桂枝○涎嗽加半夏五味

地黃飲子 治類中風腎虛火不歸源舌強不能言足

廢不能行○類中風虛火治法。

熟地 山茱肉 遠志 巴戟天 石斛 石菖蒲

五味子 肉蓯蓉洗 肉桂 麥冬 附子 茯苓

錢各一

加薄荷葉七葉水二杯煎八分服○此方法在輕煎。不令諸藥之味盡出。其性厚重。以鎮諸逆。其氣味輕。清速走諸竅也。

補中益氣湯 治勞役飢飽過度致傷元氣氣虛而風中之○此類中風氣中虛證。更有七氣上逆亦名氣中。宜越鞠丸之類。

炙耆 錢二

人參

白朮 炒

當歸 各一 錢

炙草

陳

皮 各五 分

升麻

柴胡 各三 分

加生薑二片大棗二枚水二杯煎八分服

一陳湯  
痰飲通劑

陳皮一錢五分 半夏 茯苓各三錢 炙草一錢

加生薑三片水三杯煎七分服○加白朮一錢蒼朮

二錢竹瀝四湯匙生薑汁二湯匙名加味二陳湯治

類中風痰中證亦名濕中。以濕生痰也。○加枳實膽

南星竹茹名滌痰湯

加味六君子湯 治中風王道之劑

方見膈食



加麥冬三錢為君附子一錢為使再調入竹瀝五錢

生薑汁二錢以行經絡之痰火服自愈

資壽解語湯

喻嘉言

治中風脾緩舌強不語半身不遂與

地黃飲子同意但彼重在腎此重在脾

防風

附子

天麻

棗仁

各一錢

羚羊角

肉桂

各八分

分

羌活

甘草

各五分

水二杯煎八分入竹瀝五錢薑汁二錢五分服

喻嘉言治腎氣不榮於舌木加枸杞首烏生地菊花

天冬石菖蒲元參

侯氏黑散金匱治大風。四肢煩重。心中惡寒。不足者。○外

臺治風癩。

菊花四兩 白朮 防風各一兩 桔梗八錢 細辛 茯苓

牡礪 人參 礬石 當歸 川芎 乾薑 桂枝

各三錢 黃芩五錢

右十四味杵為散酒服方寸匕約有八分余每用一錢五分 日二

服溫酒調服忌一切魚肉大蒜宜常冷食六十日止

熱即下矣

風引湯金匱除熱癰。○治大人風引少小驚癰。瘈瘲。日

數十發。

大黃

乾薑

龍骨

各二兩

桂枝

一兩五錢

甘草

牡

礪各一兩

寒水石

赤石脂

滑石

紫石英

白

石脂

石膏

各三兩

右十二味研末粗篩以韋布盛之取三指

約六七錢

井

花水一杯煎七分温服

按乾薑宜減半

附錄中風俗方殺人以示戒

俗傳中風方

風症以攻痰為大戒凡人將死之頃皆

痰聲漉漉不獨中風一症元湯無主。一身之津血俱

化爲痰。欲攻盡其痰，是欲攻盡其津血也。故錄此以爲戒。

**膽南星** 寒賦。大傷胃氣。且能引痰入於心包肝膽。以成痼疾。製一二次者。力尚輕。若九製則爲寒

愈。 **枳殼** 耗散元氣。痰盛得此暫開少。 **石菖蒲** 能

心竅。心竅開則痰涎。 **半夏** 此藥雖能降逆開結。但直人其中。永無出路。與膽星同用。未免助紂

爲虛。 **秦芫** **羌活** **鈎鈎藤** **天麻** **羚角** **防風**

已上六味。雖風症所不忌。但無要藥。以主持之。亦徒成糟粕。無用之物。 **天竺黃** 真者難得

然亦治火。 **僵蠶** 雖祛風之正藥。 **牛黃** 雖爲風痰

痰之標品。與膽南星石菖蒲枳殼同用。則反引痰入於心竅。驅之弗出矣。 **竹瀝** 以薑汁和之。雖能驅經絡

之痰而與膽星等同用不得中  
氣之輪布。反致寒中敗胃之患。

甘草雖為元老之才。但與諸藥

同用。小人道長君子  
道消亦無如之何矣。

已上諸品。或作一方。或分作二三方。患者誤服之。輕  
者致重。重者即死。即倖免於死。亦必變為癡呆。及偏  
枯無用之人矣。戒之戒之。

### 虛癆方

歸脾湯 此方為補養後天第一藥。○治食少不眠。怔

忡吐血下血大便或溏或秘。妄夢健忘。七情所傷。遺

精帶濁及女子不月等證。

炙耆錢三 人參 白朮蒸 棗仁炒 當歸身 茯苓

苓 龍眼肉各二錢 木香五分 炙草一錢 遠志五分 去心

水三杯煎入分温服○高鼓峰去木香加白芍一錢

五分甚妙○咳嗽加麥冬二錢五味七分○鬱氣加

貝母二錢○脾虛發熱加丹皮梔子

六味地黃丸 壯水之主以制陽光凡一切吐血下血

咳嗽不眠骨蒸遺精淋濁屬於陰虛者無不統治之

熟地八兩 山茱肉 淮山藥各四兩 丹皮 茯苓

澤瀉各三兩

研末煉蜜丸如桐子大晒乾每服三錢淡鹽湯送下  
一日兩服○加五味子名都氣丸○加麥冬名八仙  
長壽丸治咳嗽○本方改兩爲錢水煎服名六味地  
黃湯

八味地黃丸○益火之源以消陰翳治腰膝無力飲食  
不進腫脹疝瘕陽痿遺精帶濁屬於元陽虛者無不  
統治之

卽六味丸加附子

肉桂

各一兩

○本方去附子加五

味子名加減八味丸治大渴不止○本方加牛膝車

前子名濟生腎氣丸

俗名金匱  
腎氣丸

治水腫喘促○本方

減兩爲錢水煎服名八味湯

小建中湯

仲景

此方爲治虛癆第一方。今人不講人矣。凡

癆證必有蒸熱。此方有薑桂以扶心陽。猶太陽一出。則熾火無光。卽退熱法也。凡癆證必飲食日少。此方溫脾。卽進食法也。凡癆證必咳嗽。此方補土以生金。卽治嗽法也。凡癆證多屬腎虛。此方補脾以輸精及腎。所謂精生於穀也。今人不能讀仲景書。反敢侮謗聖法。徒知生脉六味八味歸脾補中。及款冬貝母玉



竹百合蘇陳醬地黃炭之類互服至死誠可痛恨。

生白芍三錢 桂枝一錢五分 炙草一錢

加生薑一錢五分大棗二枚水二杯煎八分入飴糖

三錢五分烱服○加黃耆二錢各黃耆建中湯治虛

癆諸不足飽悶者去大棗加茯苓二錢氣逆者加半

夏一錢五分○此方黃參當歸白朮俱隨宜加之

金匱炙甘草湯 肺燥肺痿咽痛脉代等症

生地四錢 桂枝木一錢 阿膠一錢五分 炙草一錢 人參

錢二 麥冬二錢五分 棗仁原方火麻仁一錢五分